

TRANSFORMASI HUBUNGAN KEKELUARGAAN SAUDARA KITA DARI SUDUT EMOSI SELEPAS MEMELOUK ISLAM DI JOHOR

**Nur Najwa Hanani Abd Rahman¹, Razaleigh Muhamat @ Kawangit¹,
Siti Aishah Yahya², Mohd Sufiean Hassan²**

Abstrak

Kajian ini bertujuan untuk menganalisis transformasi hubungan kekeluargaan yang berlaku terhadap Saudara Kita di Johor selepas memeluk Islam dari sudut emosi. Dalam konteks kajian ini yang dimaksudkan dengan hubungan kekeluargaan ialah hubungan yang terjalin antara ahli keluarga yang mempunyai ikatan pertalian darah atau ikatan perkahwinan yang institusi yang bermula dengan pasangan suami isteri dan berkembang meliputi anak-anak lelaki dan perempuan, ibu bapa dan datuk nenek serta adik, abang dan kakak serta saudara mara yang dekat. Hubungan kekeluargaan yang dimaksudkan di dalam kajian ini adalah merangkumi hubungan di antara Saudara Kita dan keluarga dari aspek emosi. Hubungan kekeluargaan ini penting bagi memastikan Saudara Kita dapat menghadapi kehidupan yang lebih bahagia serta dapat melaksanakan tanggungjawab sebagai seorang Islam dengan lebih sempurna walaupun berada dalam kelompok ahli keluarga yang sama-sama telah memeluk Islam atau yang bukan Islam. Kajian ini merupakan kajian tinjauan. Seramai 455 Saudara Kita di Johor telah dipilih sebagai responden kajian. Data dikumpul melalui soal selidik. Hasil kajian yang diperolehi mendapat terdapat perubahan emosi yang berlaku dalam hubungan kekeluargaan terhadap Saudara Kita selepas memeluk Islam di Johor.

Kata Kunci: *Hubungan kekeluargaan, emosi, saudara baru, muallaf*

¹ Universiti Kebangsaan Malaysia

² Fakulti Sains Sosial, Kolej Universiti Islam Melaka

TRANSFORMATION OF FAMILY RELATIONSHIP BASED ON EMOTIONAL AFTER CONVERT TO ISLAM IN JOHOR

Abstract

This study was aimed to analyse the transformation of family relationship that happen in Johor after converting to Islam in emotional aspect. In the context of this study, the family relationship is refer to the relationship between family members who have ties related by blood or marriage that began with spouses and growth to their children, parents and grandparents younger sister, brothers, sisters and close relatives. Family relationship referred to this research was included the relationship between the person that converting to Islam and their family in emotionally aspect. The family relationship is important to ensure that the person converting to Islam can face a happier life and be able to meet its obligations as a Muslim perfectly in a group of their Muslim or non-Muslim family. This study is a survey research. A total of 455 people converted to Islam in Johor were chosen as respondents. Data collected through questionnaires. The result obtained showed that there are emotional changes that occur in family relationship after them converting to Islam in Johor.

Keywords: family relationships, emotions, new converts, converts

PENGENALAN

Melakukan transformasi diri ke arah kecemerlangan memerlukan individu itu mempunyai jiwa besar lagi kental. Pengalihan atau transformasi diri memerlukan kekuatan dan sokongan. Sebaik-baik usaha ialah bermujahadah melawan nafsu dan berusaha memperbaiki diri. Berbuat baik bukan sahaja menjaga hubungan sesama manusia, malah setiap amalan baik akan mempengaruhi doa dimohon. Dalam konteks rumah tangga, transformasi diri juga perlu sentiasa dipertingkatkan dengan menghormati sesama manusia termasuk diri sendiri, ibu, bapa, isteri atau suami, anak, saudara mara, sahabat serta jiran tetangga. Sentiasa berbuat baik, menjaga tutur kata (berbudi bahasa) dan berbaik sangka menurut kemampuan masing-masing. Keluarga yang saling mendorong antara satu sama lain, hormat menghormati dan mengisi kekurangan diri dengan nasihat menasihati, sudah tentu akan dapat melayari hidup lebih bermakna (Mazlina Ismail, 2015. Berita Harian). Transformasi emosi berlaku bagi setiap Saudara Kita yang telah memeluk Islam. Begitu juga dengan ahli keluarga Saudara Kita sama ada yang memeluk Islam atau yang tidak memeluk Islam. Pelbagai emosi yang dihadapi oleh Saudara Kita selepas memeluk Islam. Antaranya dari sudut emosi yang menyenangkan seperti tenang, gembira, bahagia, sayang dan sebagainya manakala emosi yang tidak menyenangkan seperti sedih, kecewa, marah dan sebagainya. Transformasi hubungan kekeluargaan dari aspek emosi ini penting bagi memastikan Saudara

Kita dapat menghadapi kehidupan yang lebih bahagia serta dapat melaksanakan tanggungjawab sebagai seorang Islam dengan lebih sempurna walaupun berada dalam kelompok ahli keluarga yang sama-sama telah memeluk Islam atau yang bukan Islam.

PERNYATAAN MASALAH

Transformasi akan berlaku dari pelbagai sudut selepas saudara kita memeluk Islam. Transformasi ini dianggap penting untuk dibincangkan secara terbuka kerana ia menjadi dorongan serta sokongan kepada saudara kita selepas mereka memeluk Islam. Selain itu juga, transformasi saudara kita ini perlu dibincangkan kerana ia menjadi sebagai satu wadah atau tarikan bagi seseorang yang baru berjinak-jinak untuk mengenal Islam. Namun begitu, fanomena pada masa kini menunjukkan terdapat banyak cabaran serta permasalahan yang dihadapi oleh saudara kita selepas memeluk Islam sehingga menyebabkan tidak berlaku transformasi terhadap diri seseorang saudara kita atau masih kekal seperti sebelum mereka memeluk Islam. Menurut Anuar Puteh (2002), pelbagai masalah terpaksa didepani sama ada dari segi emosi, adat, budaya, kekeluargaan, ekonomi, kerjaya, birokrasi, perundangan dan sebagainya. Masalah-masalah ini mampu merebak dan mengesani saudara kita dengan lebih serius hingga ke peringkat kembali kepada agama asal (murtad) sekiranya ia tidak ditangani dengan segera. Kajian yang dijalankan oleh Aminudin Ruskam al-Dawamy (2002) mengenai perspektif masyarakat Cina berpelajaran terhadap agama Islam di Malaysia pula mendapati responden bersetuju masuk Islam bermakna menjadi Melayu, masuk Islam memutuskan hubungan keluarga, amalan poligami tidak memberi keadilan kepada wanita, masyarakat bukan Islam diberikan maklumat yang kurang tepat mengenai ajaran Islam. Menurut pandangan Salasiah Hanin Hamjah (2011) perubahan emosi dan tingkah laku yang dialami oleh seseorang yang memeluk Islam adalah penting untuk dibincangkan supaya dapat menjadi faktor sokongan kepada individu yang baru memeluk Islam ataupun menjadi elemen dakwah kepada seseorang yang mula berjinak dengan ajaran Islam.

Hubungan kekeluargaan merupakan salah satu cabaran serta masalah yang dihadapi oleh saudara kita selepas memeluk Islam. Terdapat sebahagian ahli keluarga yang dapat menerima ahli keluarga mereka yang memeluk Islam dan terdapat juga yang tidak dapat menerima. Menurut Nuraisyah (2006) keluarga akan mengambil masa yang agak lama untuk menerima ahli keluarga yang memeluk Islam. Sebaliknya, menurut Stone (2003), ibu bapa Cina tidak ambil kisah jika ahli keluarganya mengguna atau memakai simbol-simbol agama Kristian berbanding agama Islam. Menurut Nur A'thiroh Masyaa'il Tan (2007), di dalam blognya menyatakan pelbagai cabaran yang harus ditempuhi oleh saudara baru semasa dan selepas memeluk agama Islam. Di antaranya mendapat tentang yang hebat daripada keluarga kandung yang belum memeluk Islam. Sikap pemulauan ke atas diri saudara kita, kenyataan tidak mengakui anak kandung oleh

bapa, tidak dibenarkan pulang ke rumah dan putusnya segala perhubungan sama ada daripada segi kekeluargaan, kewangan dan hubungan sosial yang lain, benar-benar mengganggu emosi dan seterusnya menyebabkan tekanan perasaan. Kajian Stone (2003) mendapati, umumnya orang-orang Cina di Malaysia lebih kritikal terhadap agama Islam berbanding Kristian. Contohnya apabila salah seorang ahli keluarga mereka memeluk Islam, individu yang memeluk Islam tersebut sukar diterima oleh ahli keluarga sendiri.

Menurut Amran Kasimin (1985) dan Anuar Puteh (2008) menyatakan bahawa secara umumnya masyarakat Cina menganggap menukar agama kepada Islam adalah satu perbuatan yang amat dibenci kerana mereka beranggapan bahawa Islam adalah hanya untuk orang Melayu. Ia adalah satu bentuk pengkhianatan dan penghinaan kepada keturunan dan bangsa Cina kerana bagi mereka ia memutuskan ikatan kekeluargaan/keturunan. Saudara baru juga disingkir atau dihalau keluar oleh keluarganya dan terpaksa mencari tempat kediaman lain dan sering diugut oleh keluarganya dan dipukul serta diseksa terutamanya saudara kita di bawah umur dan juga yang perempuan (Amran Kasimin 1985). Walaupun ada yang terus tinggal bersama keluarga, namun mereka seolah-olah disisihkan dari segala aspek kehidupan keluarga dan komuniti mereka (Anuar Puteh 2008). Sesetengah keluarga tidak dapat menerima ahli keluarganya memeluk Islam disebabkan kebanyakannya adat, pemakanan, pemakaian serta sebagainya amat berbeza dengan tatacara dalam Islam. Menurut laporan yang diperolehi dari Unit Ukhuhwah, Bahagian Dakwah Jabatan Agama Islam Johor juga menyatakan bahawa antara cabaran yang dihadapi oleh Saudara Kita sebelum dan selepas memeluk ialah tentang hebat dari keluarga, ugutan bunuh, dipukul, disembunyikan dan dikurung. Saudara Kita ini juga tidak dapat mewarisi harta serta dipisahkan dari anak-anak dan keluarga (Statistik Unit Ukhuhwah, Bahagian Dakwah Jabatan Agama Islam Johor, 2014). Justeru itu, berdasarkan pernyataan masalah yang diperolehi mendapat banyak permasalahan dan cabaran yang terpaksa dihadapi oleh Saudara Kita di mana cabaran serta masalah-masalah yang dihadapi oleh Saudara Kita ini banyak melibatkan transformasi emosi sama ada emosi Saudara Kita atau ahli keluarga sendiri.

LATAR BELAKANG SAUDARA KITA DI JOHOR

Saudara kita mempunyai beberapa perkataan yang di sama ertikan antaranya *muallaf* dan saudara baru yang selalu digunakan oleh masyarakat di Malaysia. Menurut Marlon (2014) perbahasan mengenai pengertian perkataan *muallaf* dan panggilan lain yang biasa diguna pakai dalam masyarakat di Malaysia selain dari perkataan ini, ialah seperti ‘Saudara Baru’ ‘Saudara Muslim’ dan ‘Saudara Kita’. Dari sudut bahasa di dalam Kamus Dewan menjelaskan perkataan *muallaf* sebagai orang-orang yang baru memeluk Islam atau Saudara Baru (Kamus Dewan 2002). Dalam *Lisan al-Arab* perkataan *muallaf* berasal daripada *allafa* bererti

menghimpunkan sesuatu dengan sesuatu atau menyatukan sesuatu dengan sesuatu (Ibn Manzur t.th).

Muallaf merupakan kalangan manusia yang baru memeluk agama Islam dan berhak mendapat zakat dan pemberian tersebut bertujuan untuk melunakkan hati dan menguatkan keislaman mereka (Ahmad Redzuwan Mohd Yunus & Nur Kareelawati Abd Karim 2005). Dalam konteks masyarakat di Malaysia, saudara kita yang terdiri daripada Cina, India atau masyarakat lain sering dirujuk dan diistilahkan sebagai 'saudara kita' oleh masyarakat Islam amnya dan khasnya masyarakat Melayu (Anuar Puteh 2002). Saudara kita bermaksud orang-orang yang dipujuk atau dijinakkan hatinya dengan harapan dapat menguatkan pegangan mereka terhadap Islam atau orang-orang yang dipujuk supaya tertarik untuk memeluk Islam (Amran Kasimin 1985).

Dalam konteks kajian ini yang dimaksudkan dengan Saudara Kita ialah orang-orang yang telah terbuka hatinya untuk memeluk Islam dan telah melafazkan dua kalimah Syahadah, menerima bantuan dan zakat serta telah didaftarkan permohonan Pengislamannya di Unit Ukhuhah, Bahagian Dakwah Jabatan Agama Islam. Merujuk kepada Enakmen Pentadbiran Agama Islam (Negeri Johor) 2003 berkaitan memeluk Agama Islam di bahagian IX tidak menyatakan tempoh seseorang yang memeluk Islam itu secara berdaftar digelar sebagai saudara kita. Justeru, di negeri Johor mereka yang baru memeluk Islam dan yang telah lama memeluk Islam digelar sebagai Saudara Kita. Mereka yang ingin memeluk Islam hendaklah berdaftar di Unit Ukhuhah, Bahagian Dakwah Jabatan Agama Islam Johor. Unit Ukhuhah merupakan unit yang dikendalikan oleh Bahagian Dakwah Jabatan Agama Islam Negeri Johor. Unit ini merupakan unit yang menguruskan proses pengislaman saudara kita, pendidikan, pengukuhan akidah, memberi khidmat nasihat, menjaga kebajikan dan memberikan pelbagai bantuan saudara kita. Berdasarkan data yang diperolehi dari Unit Ukhuhah, Bahagian Dakwah, Jabatan Agama Islam Johor seramai 8068 saudara kita telah memeluk Islam dari tahun 2004 hingga September 2013. Data bagi tahun 2014 hingga 2016 belum diperolehi kerana data tersebut masih dalam proses untuk dikemaskini.

Jadual 2.1 Statistik Pengislaman Saudara Kita di Negeri Johor Tahun 2004- 2013

Daerah/Tah un	200 4	200 5	200 6	200 7	200 8	200 9	201 0	201 1	201 2	201 3	Jumla h
Johor Bahru	395	484	491	568	534	589	603	432	669	637	5402
Muar	34	34	20	37	32	37	31	24	26	14	289
Batu Pahat	56	65	27	51	39	52	70	43	44	45	492
Kluang	67	41	71	44	66	45	72	46	61	46	559
Segamat	24	19	25	29	29	27	32	8	33	31	257
Pontian	20	28	24	23	19	25	20	29	19	25	232
Kota Tinggi	52	41	57	48	44	54	68	35	50	34	483
Mersing	8	9	17	17	10	17	18	5	18	15	134

Kulaijaya	0	0	0	0	0	1	35	33	59	68	196
Ledang	0	0	0	0	0	0	8	4	5	7	24
Jumlah	656	721	732	817	773	847	957	659	984	922	8068

Sumber:Unit Ukuhwah, Bahagian Dakwah Jabatan Agama Islam Johor (2016)

Selain itu juga, berdasarkan maklumat yang diterima dari Unit Ukuhwah Bahagian Dakwah Jabatan Agama Islam Johor antara faktor-faktor yang menyebabkan saudara kita di Johor ini memeluk Islam ialah disebabkan perkahwinan, kerelaan sendiri, pengaruh rakan-rakan, memiliki keluarga angkat Islam serta pengaruh media elektronik dan percetakan. Saudara Kita di Johor ini juga menghadapi beberapa cabaran selepas mereka memeluk Islam. Antaranya, tentangan dari keluarga (ugutan bunuh, pukul, disembunyikan dan dikurung oleh keluarga asal. Selain itu juga, cabaran yang dihadapi oleh Saudara Kita ini ialah dipisahkan dengan anak-anak atau pasangan serta tidak dapat mewarisi harta. Mendapatkan pekerjaan yang sesuai serta dibuang kerja oleh majikan juga menjadi cabaran bagi mereka yang baru memeluk Islam. Terdapat juga Saudara Kita yang dipulaukan oleh rakan-rakan serta saudara seagama yang lama. Ada juga yang merasa rendah diri dengan masyarakat setempat khususnya dengan bangsa Melayu beragama Islam (Statistik Saudara Kita Unit Ukuhwah, Bahagian Dakwah Jabatan Agama Islam Johor, 2014).

DEFINISI TRANSFORMASI

Berdasarkan Kamus Dewan edisi ke empat (2002) transformasi membawa definisi yang sama iaitu perubahan rupa, bentuk dan lain-lain. Transformasi juga membawa maksud pergerakan, perpindahan atau peralihan daripada satu keadaan kepada keadaan yang lain.

Menurut Luthfi Shariffuddin (2007) sesuatu perubahan itu mempunyai definisi yang luas serta berbeza. Ianya bergantung kepada corak perubahan yang dipilih dan matlamat sesuatu perubahan itu. Selain itu transformasi adalah sebuah proses perubahan secara beransur-ansur sehingga sampai pada tahap *ultimate*, perubahan yang dilakukan dengan cara memberi tindak balas terhadap pengaruh unsur eksternal dan internal yang akan mengarahkan perubahan dari bentuk yang sudah dikenal sebelumnya melalui proses menggandakan secara berulang-ulang atau melipatgandakan.

Definisi perubahan menurut Atkinson (1987) merupakan kegiatan atau proses yang membuat sesuatu atau seseorang berbeza dengan keadaan sebelumnya. Manakala menurut Brooten (1978) perubahan merupakan proses yang menyebabkan perubahan pola individu atau institusi. Tanpa disedari, transformasi atau perubahan itu sendiri terjadi pada diri kita seperti usia dan keadaan tubuh kita. Seiring dengan perjalanan waktu, usia juga akan bertambah mengakibatkan keadaan fizikal seseorang berubah. Kita tidak berupaya

menghentikan perubahan tersebut, tetapi apa yang kita dapat lakukan adalah bagaimana mengendalikan dan mempersiapkan diri sebelum sesuatu transformasi atau perubahan itu terjadi. Dengan melaksanakan transformasi diri kita secara tidak langsung dapat meningkatkan *standard* diri ke tahap yang lebih tinggi. Perkataan transformasi ini adalah sinonim dengan perkataan perubahan.

PROSES TRANSFORMASI

Menurut pandangan Luthfi Shariffuddin (2007) seseorang itu akan melalui beberapa fasa perubahan dalam hidup baik dari segi rohani dan fizikal. Perubahan rohani dan fizikal seseorang itu amat berkait rapat ataupun terjadi melalui 2 faktor utama iaitu :-

1. Kesan pengalaman yang dilalui
2. Kesan pengaruh orang lain (sama ada secara paksaan atau tertawan)

Kedua-dua faktor ini memberi kesan terhadap minda untuk mengaktifkan tahap kesedaran seseorang itu. Seseorang itu akan menggunakan kuasa memilih untuk membentuk corak perubahan yang dikehendaki. Sebelum itu, seseorang itu pasti melalui beberapa fasa iaitu perubahan dalaman (rohani) dan luaran (fizikal). Fasa perubahan dalaman (rohani) ialah:-

- Perubahan minda - iaitu pemikiran akan di hala ke arah matlamat dan akan 'tergambar'. Kita boleh "mereka corak matlamat perubahan yang dikehendaki".
- Perubahan hati - iaitu keyakinan dan kepercayaan yang terbentuk dari gambaran dalam minda akan terbentuk. Di peringkat ini, seseorang itu telah menetapkan pendirian ke arah matlamat perubahan yang dicipta.
- Perubahan kesedaran - iaitu seseorang itu telah 'terjaga' dari kesilapan dan kesalahan masa lalu. Di peringkat ini seseorang itu telah 'tahu' dan 'faham' akan apa yang dihajati dan daya tumpuan (fokus) akan dijana sepenuhnya oleh minda.

Seterusnya, setelah mengalami perubahan atau transformasi dalaman, seseorang itu pasti akan melakukan perubahan fizikal atau menzahirkan perubahan yang dikehendaki yakni bertindak. Fasa perubahan luaran (fizikal) ialah:-

- Menulis apa yang digambarkan - iaitu azam untuk berubah. Tulis perancangan jalan anda ingin tuju.
- Bertindak ke atas apa yang dirancang - iaitu melakukan perubahan-perubahan yang ditulis berserta perbuatan dan tingkah laku. Pada peringkat ini, mereka yang telah anda khabarkan berita tentang perubahan ini, pasti, atau secara automatiknya akan memberi galakkan.

- Hasil -iaitu anda akan dapat mengubah diri anda kepada apa yang anda inginkan. Pada peringkat ini anda akan mengalami satu pengalaman rasa di mana hanya anda yang mengetahuinya (Luthfi Shariffuddin 2007).

Justeru itu, dalam konteks kajian ini yang dimaksudkan dengan transformasi ialah perubahan yang berlaku terhadap diri seseorang Saudara Kita selepas mereka memeluk Islam sama ada perubahan kecil atau besar yang berlaku terhadap diri mereka.

HUBUNGAN KEKELUARGAAN

Keluarga merupakan elemen yang penting bagi diri seseorang saudara kita selepas mereka memeluk Islam. Keluargalah orang yang paling hampir dengan kita dari sejak mula kita dilahirkan sehingga dewasa. Ibubapa adalah orang yang bertanggungjawab dalam membesarkan serta memberi kasih sayang kepada kita. Keluarga merupakan sebuah institusi yang bermula dengan pasangan suami isteri dan berkembang meliputi anak-anak lelaki dan perempuan, ibu bapa dan datuk nenek serta adik, abang dan kakak serta saudara mara yang dekat dan jauh. Keluarga merupakan lingkungan masyarakat paling kecil yang akan menentukan bentuk kehidupan umat manusia (Norazman Amat & Salasiah Hanin Hamjah 2010). Keluarga menurut takrif antropologi adalah satu unit (kumpulan) yang terdiri daripada ahli-ahli yang mempunyai hubungan kekeluargaan. Freud (1953) pula merujuk keluarga sebagai kombinasi ibu dan bapa yang tinggal serumah atau pun lebih anak (Fontana, 1981). Menurut Gpeda (1988), keluarga adalah satu unit sosial yang terdiri daripada ibu bapa dan anak.

Asas pembinaan sesebuah keluarga bermula dari perkahwinan adalah untuk keluhuran dan ketenteraman hidup (al-sakinah) sekaligus sebagai pembentukan sebuah masyarakat yang harmoni. Keharmonian masyarakat umumnya bermula daripada institusi keluarga yang mampu mewujudkan ketenangan dan kemantapan hidup bersama berdasarkan kepada hubungan baik dan rasa kasih sayang antara satu sama lain. Dengan erti kata lain masyarakat yang harmoni mestilah terbina dari institusi keluarga yang bahagia dan harmoni. Oleh yang demikian, adalah penting teori kebahagiaan keluarga difahami dan diaplifikasi secara menyeluruh agar keluarga yang dibina mencapai keredaan dan keberkatan di dunia dan akhirat (Nur Zahidah Jaapar & Raihanah Azahari 2011).

Dalam konteks kajian ini yang dimaksudkan dengan hubungan kekeluargaan ialah hubungan yang terjalin antara ahli keluarga yang mempunyai ikatan pertalian darah atau ikatan perkahwinan yang bermula dengan pasangan suami isteri dan berkembang meliputi anak-anak lelaki dan perempuan, ibu bapa dan datuk nenek serta adik, abang dan kakak serta saudara mara yang dekat. Hubungan kekeluargaan yang dimaksudkan di dalam kajian ini adalah merangkumi hubungan dari aspek emosi dan tingkah laku sahaja dalam institusi keluarga Saudara Kita itu sendiri. Hubungan kekeluargaan ini penting bagi memastikan Saudara Kita dapat

menghadapi kehidupan yang lebih bahagia serta dapat melaksanakan tanggungjawab sebagai seorang Islam dengan lebih sempurna walaupun berada dalam kelompok ahli keluarga yang sama-sama telah memeluk Islam atau yang bukan Islam.

TRANSFORMASI EMOSI SELEPAS MEMELUK ISLAM

Perkataan emosi adalah berasal dari perkataan Greek iaitu *emover* yang bermaksud ‘untuk keluar’. Emosi dipamerkan oleh setiap individu dalam bentuk tindakan dengan tujuan untuk memenuhi kepuasan diri individu itu sendiri dan ia boleh dikatakan sebagai satu keadaan di mana perasaan yang ditunjukkan pada proses fisiologi dan psikologi seseorang individu itu (Mahmood Nazar, 2001). Menurut Goleman (1996) kecerdasan emosi adalah kebolehan seseorang memahami perasaan sendiri dan menggunakannya untuk membuat keputusan yang berkesan dalam kehidupan seharian. Chaplin dalam Mahmood Nazar (2001) berpendapat emosi adalah satu keadaan bangkitan (arousal) yang dialami oleh seseorang yang melibatkan beberapa perubahan kepada visceral (berpeluh, menggigil, kecut perut) dan tingkah laku.

Menurut Azizi et.al (2005) perasaan yang berhubung dengan emosi dapat dibahagikan kepada dua perasaan utama iaitu perasaan yang menyenangkan dan perasaan yang tidak menyenangkan. Emosi gementar atau takut umpamanya, menimbulkan perasaan yang tidak menyenangkan sementara emosi gembira mewujudkan perasaan yang menyenangkan. Emosi adalah penting dalam kehidupan kita kerana tanpa emosi hidup akan menjadi kosong dan membosankan. Analogi hidup sedemikian samalah seperti objek-objek kaku yang tidak mengalami apa-apa perubahan yang positif ataupun negatif. Tangisan, gelak, kesedihan, kegembiraan, kemarahan, kemurungan, ketakutan geram, iri hati, benci dan pelbagai emosi serta perasaan dialami manusia dan memberi warna kepada kehidupan kita. Haiwan juga mengalami emosi pada masa-masa tertentu. Pada amnya, emosi boleh membentuk sikap serta personaliti seseorang. Individu yang sentiasa riang akan dikenali sebagai seorang yang periang. Individu yang sering bersedih, menyendiri dan pendiam sepanjang masa mungkin bersifat pemuram (Mahmood Nazar 2001).

Kita semua tahu betapa pentingnya emosi dalam kehidupan. Apabila sahabat kita mendirikan rumah tangga, kita bergembira dan mengucapkan tahniah. Apabila kita mendapat berita kematian seorang sahabat, kita bersedih. Situasi yang berbeza memerlukan kita menunjukkan reaksi yang pelbagai dan ini membolehkan kita dikenali sebagai manusia normal (Salasiah Hanin Hamjah 72). Pengaruh emosi amat besar dalam mewarnai hubungan sesama manusia. Emosi meliputi pelbagai perasaan seperti sayang, gembira, malu, sedih, kecewa, bimbang dan sebagainya. Kelangsungan hidup manusia juga adalah dipengaruhi oleh kewujudan emosi yang menentukan tingkah laku manusia. Emosi dan perasaan seperti tangisan, gelak ketawa, kesedihan dan ketakutan warna kehidupan, membentuk sikap dan

personaliti serta menggerakkan arah hidup manusia. Hurlock (1973), mengatakan bahawa masalah emosi juga perlu dilihat dari aspek kesannya ke atas individu, masyarakat dan juga negara. Gangguan dan ketegangan emosi yang tinggi atau berterusan bukan hanya mempengaruhi tingkah laku tetapi juga sikap dan keadaan psikologikal, nilai dan kebolehan mereka. Dalam konteks kajian ini, transformasi emosi dalam hubungan kekeluargaan adalah merujuk kepada perubahan emosi yang berlaku terhadap seseorang yang memeluk Islam atau ahli keluarga mereka.

Dalam konteks kajian ini, transformasi hubungan kekeluargaan dari sudut emosi ini adalah merujuk kepada transformasi emosi yang berlaku terhadap Saudara Kita atau ahli keluarga Saudara Kita itu sendiri. Antaranya emosi yang menyenangkan iaitu tenang, sayang, gembira, bahagia serta emosi yang tidak menyenangkan iaitu sedih, kecewa, simpati, marah dan takut. Sebagai contoh, Saudara Kita rasa lebih tenang selepas memeluk Islam berbanding sebelum memeluk Islam dan Saudara Kita rasa takut untuk bertemu dengan keluarga mereka selepas memeluk Islam.

METODOLOGI KAJIAN

Reka bentuk kajian yang digunakan ialah kajian tinjauan. Kajian tinjauan adalah satu kajian yang dilakukan melalui penggunaan soal selidik atau temubual ke atas sampel yang mewakili sesuatu populasi. Namun begitu, dalam kajian ini penyelidik hanya menggunakan soal selidik sahaja. Soal selidik yang dibina terbahagi kepada tiga bahagian iaitu Bahagian (A) – Latar Belakang Responden, Bahagian (B) Transformasi Hubungan Kekeluargaan Saudara Kita dari Sudut Emosi Selepas Memeluk Islam. Penyelidik telah turun ke lapangan kajian untuk mencari, mengumpul dan menganalisa data dari responden. Kajian tinjauan ini hanya tertumpu kepada:

1. Saudara kita yang bekerja berada di sepuluh daerah di sekitar negeri Johor dan telah berdaftar di Unit Ukhwah, Bahagian Dakwah Jabatan Agama Islam Johor.
2. Seramai 8068 saudara kita dari tahun 2004 hingga 2013 yang berdaftar di Unit Ukhwah, Bahagian Dakwah Jabatan Agama Islam Johor.
3. Penyelidikan hanya tertumpu pada elemen hubungan kekeluargaan dari aspek emosi sahaja.
4. Kesesuaian ujian hanya bergantung kepada sampel dan analisis berdasarkan soal selidik.
5. Sampel dan analisis hanya akan diukur dengan menggunakan SPSS (*Statistical Package for Social Sciences*).

Sampel yang dipilih bagi kajian ini adalah dengan menggunakan pemilihan sampel secara rawak berlapis (*stratified probability sampling*). Sampel rawak berlapis digunakan dengan memilih sampel 95% nilai aras signifikan (cohen, 1988) dengan mengambil sampel daripada setiap daerah yang melibatkan seramai

455 orang saudara kita di sekitar negeri Johor yang telah berdaftar di Unit Ukhuwah, Bahagian Dakwah Jabatan Agama Islam Johor.

Kawasan kajian yang dipilih adalah di sekitar negeri Johor. Tujuan negeri ini dipilih sebagai lokasi kajian kerana penyelidik mengenal pasti di dalam Enakmen Pentadbiran Agama Islam (Negeri Johor) 200,3 berkaitan memeluk Agama Islam di bahagian IX, tidak menyatakan tempoh seseorang yang memeluk Islam itu secara berdaftar digelar sebagai saudara kita. Penyelidik mendapati di beberapa buah negeri seperti di Selangor telah menetapkan tempoh gelaran saudara kita itu selama beberapa tahun sahaja dan selepas dari tempoh yang ditetapkan mereka tidak digelar saudara kita lagi dan dianggap seperti orang Islam seperti biasa. Ini menunjukkan bahawa di Johor gelaran saudara kita itu digunakan oleh mereka yang memeluk Islam untuk selama-lamanya selagi mana mereka tidak kembali ke agama asal mereka. Selain itu juga, Jabatan Agama Islam Johor merupakan Jabatan yang berada di bawah pengurusan peringkat Setiausaha Kerajaan Negeri sendiri bukan di peringkat Persekutuan. Justeru, Jabatan Agama Islam Johor mempunyai prosedur serta tatacara pengurusan serta pengendalian berkenaan saudara kita secara tersendiri tidak menggunakan prosedur di peringkat persekutuan. Berdasarkan statistik yang diperolehi dari Unit Ukhuwah juga mendapati jumlah saudara kita yang berdaftar dari tahun ke tahun semakin meningkat dari tahun 2004 hingga 2013.

Proses pengumpulan data untuk kajian ini dalam mendapatkan data primer adalah melibatkan soal selidik yang diedarkan kepada Saudara kita di sekitar negeri Johor dan telah berdaftar di Unit Ukhuwah Jabatan Agama Islam Johor berhubung dengan transformasi hubungan kekeluargaan Saudara Kita dari sudut emosi selepas memeluk Islam. Manakala skala pengukuran yang digunakan di dalam soal selidik ini adalah dengan menggunakan skala norminal dan skala ordinal. Skala Likert digunakan bagi mengukur data soal selidik.

Data dalam kajian ini telah dianalisis dengan menggunakan program SPSS *for Window Version 17*. Analisa data tersebut digunakan dengan menggunakan statistik deskriptif seperti kekerapan, peratus, minimum, maksimum, min dan sisihan piawai terutama yang berkaitan dengan latar belakang sampel dan juga transformasi hubungan kekeluargaan dari sudut emosi terhadap item pembolehubah-pembolehubah yang dikemukakan dalam kajian. Selain itu juga, ujian kebolehpercayaan item juga dilaksanakan bagi memastikan item-item yang dikemukakan mempunyai nilai realibiliti yang memuaskan.

HASIL KAJIAN

Kajian ini telah melibatkan seramai 455 orang Saudara Kita di negeri Johor. Berikut adalah maklumat penting tentang latar belakang sampel kajian.

Latar belakang responden

Seramai 455 orang responden telah dipilih di kalangan Saudara Kita. Dari segi jantina, hasil kajian menunjukkan responden Saudara Kita terdiri daripada perempuan iaitu sebanyak 239 orang (52.2%). Manakala jumlah responden Saudara Kita lelaki adalah sebanyak 216 orang (47.5%). Ini menunjukkan majoriti responden Saudara Kita di dalam kajian ini adalah perempuan (Jadual 1).

Jadual 1 Jantina

Jantina	Kekerapan	Peratus (%)
Lelaki	216	47.5
Perempuan	239	52.5
Jumlah	455	100

Sumber: Soal Selidik 2015

Bagi kategori status perkahwinan Saudara Kita, hasil kajian menunjukkan seramai 56 orang (12.3%) masih bujang, diikuti dengan 342 orang (75.4%) telah berkahwin dan duda/janda seramai 56 orang pada peratusan yang sama (12.3%) dengan bujang. Majoriti responden di dalam kajian ini adalah Saudara Kita yang telah berkahwin (Jadual 2).

Jadual 2: Status Perkahwinan

Status perkahwinan	Kekerapan	Peratus (%)
Bujang	56	12.3
Berkahwin	343	75.4
Duda/ Janda	56	12.3
Jumlah	455	100

Sumber: Soal Selidik 2015

Seterusnya umur mengenai responden dikategorikan kepada empat peringkat iaitu 20 tahun ke bawah, 21-30 tahun, 31-40 tahun dan 41 tahun ke atas. hasil kajian mengenai umur responden Saudara Kita mendapati majoriti responden adalah pada kategori umur 41 tahun dan ke atas iaitu seramai 209 orang (45.9%) diikuti dengan kategori umur 21-30 tahun seramai 114 orang (25.1%), diikuti dengan kategori umur 31-40 tahun seramai 113 orang (24.8%) dan kategori umur 20 tahun dan ke bawah seramai 19 orang (4.2%) (Jadual 3).

Jadual: 3 Umur

Umur	Kekerapan	Peratus (%)
20 tahun ke bawah	19	4.2
21-30 tahun	114	25.1
31-40 tahun	113	24.8
41 tahun ke atas	209	45.9
Jumlah	455	100

Sumber: Soal Selidik 2015

Bagi kategori Bangsa pula, hasil kajian menunjukkan responden berbangsa India menyumbang kepada jumlah tertinggi iaitu seramai 139 orang (30.5%) diikuti dengan responden berbangsa Cina seramai 132 orang (29%), diikuti dengan responden Bumiputera Sabah/ Sarawak seramai 118 orang (25.9%), diikuti responden bukan warganegara seramai 44 orang (9.7%) dan diikuti dengan responden Orang Asli seramai 22 orang (4.8%) (Jadual 4).

Jadual 4: Bangsa

Bangsa	Kekerapan	Peratus (%)
Cina	132	29.0
India	139	30.5
Orang Asli	22	4.8
Bukan Warganegara	44	9.7
Bumiputera	118	25.9
Sabah/Sarawak		
Jumlah	455	100

Sumber: Soal Selidik 2015

Bagi kategori daerah Menetap, hasil kajian mendapati majoriti responden Saudara Kita menetap di Johor Bahru dengan jumlah tertinggi iaitu seramai 81 orang (17.8%), diikuti dengan daerah Batu Pahat seramai 58 orang (12.7%), diikuti dengan daerah Kota Tinggi seramai 52 orang (11.4%). Manakala daerah Muar seramai 49 orang (10.8%), diikuti daerah Kluang seramai 47 orang (10.3%), daerah Kulaijaya seramai 43 orang (9.5%), daerah Ledang dan Pontian dengan masing-masing seramai 36 orang 7.9%, daerah Mersing 33 orang(7.3%) dan yang terakhir daerah Segamat seramai 20 orang (4.4%) (Jadual 5).

Jadual 5: Daerah Menetap

Daerah menetap	Kekerapan	Peratus (%)
Johor Baru	81	17.8
Batu Pahat	58	12.7
Muar	49	10.8
Kulaijaya	43	9.5
Mersing	33	7.3
Segamat	20	4.4
Kota Tinggi	52	11.4
Ledang	36	7.9
Kluang	47	10.3
Pontian	36	7.9
Jumlah	455	100

Sumber: Soal Selidik 2015

Di dalam jadual 6, bagi kategori tahap pendidikan hasil kajian juga menunjukkan majoriti responden mempunyai pendidikan peringkat sekolah menengah iaitu seramai 276 orang (60.7%), diikuti peringkat kolej/universiti seramai 90 orang (19.8%) dan sekolah rendah seramai 80 orang (17.6%). Hanya 9 orang responden (2.0%) responden dilaporkan tidak pernah mendapat pendidikan di sekolah.

Jadual 6: Tahap Pendidikan

Tahap pendidikan	Kekerapan	Peratus (%)
Tidak Pernah Sekolah	9	2.0
Sekolah Rendah	80	17.6
Sekolah Menengah	276	60.7
Kolej/Universiti	90	19.8
Jumlah	455	100

Sumber: Soal Selidik 2015

Dari segi pekerjaan, hasil kajian yang diperolehi menunjukkan bahawa majoriti responden Saudara Kita bekerja di sektor swasta iaitu seramai 307 orang (67.5%) diikuti dengan responden yang bekerja sendiri seramai 126 orang (27.7%) dan responden yang bekerja di sektor kerajaan seramai 22 orang (4.8%) (Jadual 7).

Jadual 7: Pekerjaan

Pekerjaan	Kekerapan	Peratus (%)
Bekerja Sendiri	126	27.7
Kerajaan	22	4.8
Swasta	307	67.5
Jumlah	455	100

Sumber: Soal Selidik 2015

Seterusnya, bagi kategori gaji bulanan hasil kajian yang diperolehi menunjukkan bahawa majoriti responden yang mempunyai gaji bulanan RM2000 ke bawah seramai 288 orang (63.3%) diikuti dengan responden yang memperolehi gaji bulanan RM2000 hingga RM2999 seramai 88 orang (19.3%), diikuti dengan responden yang menerima gaji bulanan RM3000 hingga RM3999 seramai 48 orang (10.5%), diikuti dengan responden yang menerima gaji RM5000 ke atas seramai 20 orang (4.4%) dan responden yang menerima gaji RM4000 hingga RM4999 seramai 11 orang (2.4%) (Jadual 8).

Jadual 8: Gaji Bulanan

Gaji bulanan	Kekerapan	Peratus (%)
RM2000 ke bawah	288	63.3
RM2000 hingga RM2999	88	19.3
RM3000 hingga RM3999	48	10.5
RM4000 hingga RM4999	11	2.4
RM5000 ke atas	20	4.4
Jumlah	455	100

Sumber: Soal Selidik 2015

Hasil Keputusan Kebolehpercayaan Item

Pentafsiran pekali kebolehpercayaan yang boleh diterima mengikut pengamal penyelidikan dalam sains sosial ialah lebih daripada $\alpha = .60$. Dengan menggugurkan butiran yang merendahkan pekali tersebut (dalam konstrak dan indicator item), penyelidik boleh meningkatkan nilai realibiliti terhadap alat ukur. Fraenkel dan Wallen (1996) meletakkan nilai realibiliti item yang diterima pada tahap $\alpha = 0.70 - 0.9930$. Mengikut Mohd. Majid Konting (1993) tahap $\alpha = 0.71 - 0.99$ adalah tahap yang terbaik (71% - 99% kebolehpercayaan item oleh sampel).

Berdasarkan kepada hasil kajian yang diperolehi mendapati nilai kebolehpercayaan bagi item “saya rasa lebih tenang selepas memeluk Islam” ialah 0.91756, diikuti dengan item “ibu dan ayah saya merasa gembira saya memeluk Islam” nilai kebolehpercayaannya ialah 0.92778. Seterusnya, bagi item “Saya lebih disayangi oleh ahli keluarga selepas memeluk Islam” nilai kebolehpercayaannya adalah 0.82293, diikuti dengan item “Saya sering dimarahi dan dicaci oleh ahli keluarga selepas memeluk Islam” 0.74026, item “Saya merasa simpati pada ahli keluarga yang tidak memeluk Islam” nilai yang diperolehi 0.71731.

Manakala bagi nilai kebolehpercayaan item “Saya rasa takut untuk bertemu dengan ahli keluarga selepas memeluk Islam” “ 0.90762, diikuti item “Saya rasa kecewa apabila ahli keluarga tidak boleh menerima saya memeluk Islam” nilainya yang diperolehi 0.83625. Seterusnya bagi item “Saya rasa sedih apabila disisihkan oleh keluarga” nilai kebolehpercayaan ialah 0.76955, diikuti dengan item “Saya rasa gembira apabila keluarga menerima kedatangan saya menziarahi

mereka” 0.85818 dan item “Saya rasa bahagia bersama keluarga dengan kehidupan sekarang selepas memeluk Islam” nilai yang perolehi ialah 0.67038.

Jadual 9: Keputusan kebolehpercayaan item

Item pemboleh ubah	Nilai alpha (a)
Saya rasa lebih tenang selepas memeluk Islam	0.91756
Ibu dan ayah saya merasa gembira saya memeluk Islam	0.92778
Saya lebih disayangi oleh ahli keluarga selepas memeluk Islam	0.82293
Saya sering dimarahi dan di caci oleh ahli keluarga selepas memeluk Islam	0.74026
Saya merasa simpati pada ahli keluarga yang tidak memeluk Islam	0.71731
Saya rasa takut untuk bertemu dengan ahli keluarga selepas memeluk Islam	0.90762
Saya rasa kecewa apabila ahli keluarga tidak boleh menerima saya memeluk Islam	0.83625
Saya rasa sedih apabila disisihkan oleh keluarga selepas memeluk Islam	0.76955
Saya rasa gembira apabila keluarga menerima kedatangan saya menziarahi mereka	0.85818
Saya rasa bahagia bersama keluarga dengan kehidupan sekarang selepas memeluk Islam	0.67038

Sumber: Soal Selidik 2015

Secara keseluruhannya, hasil kajian mendapati bahawa responden dapat memahami soal selidik tersebut dan menjawab dengan mudah. Realibiliti item yang dikemukakan di dalam soal selidik menepati $\alpha > .70$ iaitu 0.73 bagi aspek emosi. Hasil keputusan kebolehpercayaan item seperti di jadual 10.

Jadual 10: Keputusan Keseluruhan Ujian Kebolehpercayaan

Konstruk	Nilai Cronbach's Alpha	Cronbach's Alpha Based on Standardized Items	Bilangan item	Penerangan
Hubungan Kekeluargaan (Emosi)	0.730	0.786	10	Baik

Sumber : Soal Selidik 2015

ANALISIS DESKRIPTIF TRANSFORMASI HUBUNGAN KEKELUARGAAN SAUDARA KITA DARI SUDUT EMOSI SELEPAS MEMELUK ISLAM DI JOHOR

Jadual 11 hingga jadual 20 menunjukkan kekerapan transformasi hubungan kekeluargaan dari sudut emosi mengikut lima pilihan jawapan; sangat setuju, setuju, tidak pasti, tidak setuju dan sangat tidak setuju. Transformasi emosi adalah terdiri daripada dua dimensi seperti emosi yang menyenangkan iaitu tenang, gembira, sayang dan bahagia serta emosi yang tidak menyenangkan seperti sedih, kecewa, simpati, marah dan takut.

Jadual 11 menunjukkan taburan jawapan responden bagi item “Saya rasa lebih tenang selepas memeluk Islam. Majoriti responden menjawab sangat setuju 205 orang (45.1%) dan setuju 198 orang (43.5%) diikuti dengan tidak pasti 4 orang (0.9%), tidak setuju seorang (0.2%) dan sangat tidak setuju seorang (0.2%).

Jadual 11: Saya rasa lebih tenang selepas memeluk Islam

Jawapan	Kekerapan	Peratus%
Sangat Setuju	205	45.1
Setuju	198	43.5
Tidak Pasti	4	0.9
Tidak Setuju	1	0.2
Sangat Tidak Setuju	1	0.2
Jumlah	455	100%

Sumber: Soal Selidik 2015

Jadual 12 menunjukkan taburan responden bagi jawapan item “Ibu dan ayah saya merasa gembira saya memeluk Islam”. Majoriti responden menjawab setuju 190 orang (41.8%) dan 112 menjawab tidak setuju 112 orang (24.6%), 69 orang (15.2%) tidak pasti, 64 orang (14.1%) menjawab sangat setuju dan 20 orang (4.4%) sangat tidak setuju.

Jadual 12: Ibu dan ayah saya merasa gembira saya memeluk Islam

Jawapan	Kekerapan	Peratus%
Sangat Setuju	64	14.1
Setuju	190	41.8
Tidak Pasti	69	15.2
Tidak Setuju	112	24.6
Sangat Tidak Setuju	20	4.4
Jumlah	455	100%

Sumber: Soal Selidik 2015

Jadual 13 menunjukkan taburan jawapan responden bagi item “Saya lebih disayangi oleh ahli keluarga selepas memeluk Islam”. Majoriti responden menjawab sangat setuju 135 orang (29.7%) dan 102 orang (22.4%) menjawab setuju diikuti 133 orang (29.2%) menjawab tidak setuju, 68 orang (14.9%) menjawab tidak pasti dan 17 orang (3.7%) menjawab sangat tidak setuju.

Jadual 13: Saya lebih disayangi oleh ahli keluarga selepas memeluk Islam

Jawapan	Kekerapan	Peratus%
Sangat Setuju	102	22.4
Setuju	135	29.7
Tidak Pasti	68	14.9
Tidak Setuju	133	29.2
Sangat Tidak Setuju	17	3.7
Jumlah	455	100%

Sumber: Soal Selidik 2015

Jadual 14 menunjukkan taburan jawapan responden bagi item “Saya sering dimarahi dan dicaci oleh ahli keluarga selepas memeluk Islam”. Majoriti responden seramai 208 orang (45.7%) menjawab tidak setuju dan 107 orang (23.5%) menjawab sangat tidak setuju, diikuti 79 orang (17.4%) setuju, 56 orang (12.3%) tidak pasti dan 5 orang (1.1%) menjawab sangat setuju.

Jadual 14: Saya sering dimarahi dan dicaci oleh ahli keluarga selepas memeluk Islam

Jawapan	Kekerapan	Peratus%
Sangat Setuju	5	1.1
Setuju	79	17.4
Tidak Pasti	56	12.3
Tidak Setuju	208	45.7
Sangat Tidak Setuju	107	23.5
Jumlah	455	100%

Sumber: Soal Selidik 2015

Jadual 15 menunjukkan jawapan responden bagi item “Saya merasa simpati pada ahli keluarga yang tidak memeluk Islam”. Majoriti responden seramai 197 orang (43.3%) menjawab setuju dan 125 orang (27.5%) menjawab sangat setuju, diikuti dengan 57 orang (12.5%) menjawab tidak pasti, 55 orang (12.1%) menjawab tidak setuju dan 21 orang (4.6%) menjawab sangat tidak setuju.

Jadual 15 Saya merasa simpati pada ahli keluarga yang tidak memeluk Islam

Jawapan	Kekerapan	Peratus%
Sangat Setuju	125	27.5
Setuju	197	43.3
Tidak Pasti	57	12.5
Tidak Setuju	55	12.1
Sangat Tidak Setuju	21	4.6
Jumlah	455	100%

Sumber: Soal Selidik 2015

Jadual 16 menunjukkan hasil keputusan yang diperolehi bagi item “Saya rasa takut untuk bertemu dengan ahli keluarga selepas memeluk Islam”. Majoriti responden seramai 196 orang (43.1%) menjawab setuju dan 104 orang (22.9%) menjawab sangat setuju, diikuti dengan 105 orang (23.1%) menjawab tidak setuju, 28 orang (6.2%) menjawab tidak pasti, dan 22 orang (4.8%) menjawab sangat tidak setuju.

Jadual 16: Saya rasa takut untuk bertemu dengan ahli keluarga selepas memeluk Islam

Jawapan	Kekerapan	Peratus%
Sangat Setuju	104	22.9
Setuju	196	43.1
Tidak Pasti	28	6.2
Tidak Setuju	105	23.1
Sangat Tidak Setuju	22	4.8
Jumlah	455	100%

Sumber: Soal Selidik 2015

Jadual 17 menunjukkan jawapan responden bagi item “Saya rasa kecewa apabila ahli keluarga tidak boleh menerima saya memeluk Islam”. Majoriti responden seramai 190 orang (41.5%) menjawab setuju dan 160 orang (35.4%) menjawab sangat setuju, diikuti dengan 60 orang (13.2%) menjawab tidak pasti, 42 orang (9.2%) menjawab tidak setuju dan 3 orang (0.7%) menjawab sangat tidak setuju.

Jadual 17: Saya rasa kecewa apabila ahli keluarga tidak boleh menerima saya memeluk Islam

Jawapan	Kekerapan	Peratus%
Sangat Setuju	160	35.4
Setuju	190	41.5
Tidak Pasti	60	13.2
Tidak Setuju	42	9.2
Sangat Tidak Setuju	3	0.7
Jumlah	455	100%

Sumber: Soal Selidik 2015

Jadual 18 menunjukkan taburan jawapan responden bagi item “Saya rasa sedih apabila disisihkan oleh keluarga selepas memeluk Islam”. Majoriti responden seramai 156 orang (34.3%) menjawab setuju dan 152 orang (33.4%) menjawab tidak setuju diikuti dengan 101 orang (22.2%) menjawab sangat setuju, diikuti dengan 27 orang (5.9%) menjawab tidak pasti dan 19 orang (4.2%) menjawab sangat tidak setuju.

Jadual 18: Saya rasa sedih apabila disisihkan oleh keluarga selepas memeluk Islam

Jawapan	Kekerapan	Peratus%
Sangat Setuju	101	22.2
Setuju	156	34.3
Tidak Pasti	27	5.9
Tidak Setuju	152	33.4
Sangat Tidak Setuju	19	4.2
Jumlah	455	100%

Sumber: Soal Selidik 2015

Jadual 19 menunjukkan jawapan responden bagi item “Saya rasa gembira apabila keluarga menerima kedatangan menziarahi mereka”. Majoriti responden seramai 188 orang (41.3%) menjawab setuju dan 162 orang (35.6%) menjawab sangat setuju, diikuti dengan 60 orang (13.2%) menjawab tidak pasti, 42 orang (9.2%) menjawab tidak setuju dan 3 orang (0.7%) menjawab sangat tidak setuju.

Jadual 19: Saya rasa gembira apabila keluarga menerima kedatangan menziarahi mereka

Jawapan	Kekerapan	Peratus%
Sangat Setuju	162	35.6
Setuju	188	41.3
Tidak Pasti	60	13.2
Tidak Setuju	42	9.2
Sangat Tidak Setuju	3	0.7
Jumlah	455	100%

Sumber: Soal Selidik 2015

Jadual 20 menunjukkan jawapan responden bagi item “Saya rasa bahagia bersama keluarga dengan kehidupan sekarang selepas memeluk Islam”. Majoriti responden seramai 216 orang (47.5%) menjawab setuju dan 213 orang (44.6%) menjawab sangat setuju, diikuti dengan 32 orang (7%) menjawab tidak pasti, 2 orang (0.4%) menjawab tidak setuju dan 2 orang (0.4%) menjawab sangat tidak setuju.

Jadual 20: Saya rasa bahagia bersama keluarga dengan kehidupan sekarang selepas memeluk Islam

Jawapan	Kekerapan	Peratus%
Sangat Setuju	213	44.6
Setuju	216	47.5
Tidak Pasti	32	7.0
Tidak Setuju	2	0.4
Sangat Tidak Setuju	2	0.4
Jumlah	455	100%

Sumber: Soal Selidik 2015

Secara keseluruhannya, hasil kajian bagi transformasi hubungan kekeluargaan dari sudut emosi Saudara Kita selepas memeluk Islam majoriti responden memilih jawapan Setuju bagi setiap item yang ditanya, di mana peratusannya adalah melebihi 40% bagi setiap item. Namun begitu, peratusan responden memilih jawapan Setuju dan Tidak Setuju adalah lebih kurang sama bagi item Saya lebih disayangi oleh ahli keluarga selepas memeluk Islam (Setuju=29.7%. Tidak Setuju=29.2%) dan item Saya rasa sedih apabila disisihkan oleh keluarga (Setuju=34.4%. Tidak Setuju =33.4%) rujuk jadual 12 dan 17.

SKOR MINIMUM, MAKSUMUM, MIN DAN SISIHAN PIAWAI HUBUNGAN KEKELUARGAAN SUDUT EMOSI

Secara keseluruhannya skor minimum bagi transformasi hubungan kekeluargaan dari segi aspek Emosi adalah 7.75 manakala skor maksimum adalah 34.78. Min skor yang diperolehi adalah 20.96 dengan sisihan piaawai 4.77. Ini menunjukkan bahawa bagi 10 item di yang diutarakan kepada responden, rata-rata memilih jawapan Setuju bagi setiap item (Jadual 21).

Jadual 21: Skor minimum, maksimum, min dan sisihan piaawai

Konstruk	Minimun	Maksimum	Min	Sisihan Piaawai
Hubungan Kekeluargaan (Emosi)	7.75	34.78	20.96	4.77

Sumber: Soal Selidik 2015

KESIMPULAN

Kajian ini dapat dirumuskan bahawa majoriti responden yang terdiri dari kalangan Saudara Kita di Johor memahami konsep transformasi hubungan kekeluargaan dari sudut emosi selepas mereka memeluk Islam. Ini menunjukkan transformasi emosi berlaku terhadap Saudara Kita dan keluarga mereka selepas memeluk Islam. Transformasi yang berlaku lebih menjurus ke arah emosi yang menyenangkan. Transformasi emosi dalam hubungan kekeluargaan menunjukkan tanda-tanda positif. Secara tidak langsung kajian yang dilaksanakan ini dapat meyakinkan Saudara Kita perubahan yang positif dalam hubungan kekeluargaan dari sudut emosi selepas memeluk Islam begitu juga mereka yang belum memeluk Islam. Ini dapat dibuktikan melalui dapatan kajian yang ditunjukkan di atas berserta huraian yang ringkas. Selain itu juga, dengan adanya hasil kajian yang diperolehi dapat membantu Saudara Kita membuat persediaan dalam menghadapi transformasi yang akan berlaku sama ada perubahan kecil atau besar dalam hubungan kekeluargaan terutamanya transformasi dari sudut emosi. Keluarga merupakan kumpulan atau golongan yang paling terdekat dengan Saudara Kita, hubungan kekeluargaan ini penting bagi memastikan Saudara Kita dapat menghadapi kehidupan yang lebih bahagia serta dapat melaksanakan tanggungjawab sebagai seorang Islam dengan lebih sempurna walaupun berada dalam kelompok ahli keluarga yang sama-sama telah memeluk Islam atau yang bukan Islam.

RUJUKAN

- Abdul Ghafar Haji Don, Anuar Puteh & Ahmad Redzuwan Yunus. (2009). *Islam dan Saudara Kita*. Shah Alam:BPI, MAIS
- Amran Kasimin. (1985). *Saudara baru Cina di Wilayah dan Selangor*. Monograf 11. Fakulti Sains Kemasyarakatan dan Kemanusiaan. UKM. Bangi: Penerbit Universiti Kebangsaan Malaysia.
- Aminuddin Ruskam al-Dawamy. (2002) . Agama, Budaya, Pendidikan, Ekonomi, Sejarah dan Seni. *Prosiding Persidangan Antarabangsa Pengajian Melayu Beijing ke-2*. Hlm. 14-28. Kuala Lumpur: Dewan Bahasa dan Pustaka.
- Anuar Puteh. (2008). Bimbingan Al-Quran Saudara Baru Cina di Lembah Klang. Bangi: Fakulti Pengajian Islam Universiti Kebangsaan Malaysia.
- Anuar Puteh. (2002). Saudara Baru Cina di Malaysia: Kepentingannya dalam konteks dakwah. Dlm. *Dakwah Kepada Masyarakat Muslim di Malaysia*. Sulaiman Ibrahim, Othman Talib & Anuar Puteh. Hlm. 133. Bangi: Jabatan Pengajian Dakwah dan Kepimpinan, Fakulti Pengajian Islam UKM.
- Azizi Yahaya, Noordin Yahaya & Zurihanmi Zakariya. (2005). *Psikologi Kognitif*. Skudai: Universiti Teknologi Malaysia.
- Cohen, J. (1988). *Statistical power analysis for the behavioral sciences*. Hillsdale, NJ: Erlbaum.
- Enakmen Pentadbiran Agama Islam (Negeri Johor) 2003 [En. 16/2003]. Johor: Bahagian Pentadbiran Undang-undang Syariah Jabatan Agama Johor.
- Fontana, A. (1981). *Social Problems*. New York : Holt Rinehart Winston.
- Fraenkel, J.R., & Wallen, N.E. (1996). *How to Design and Evaluate Research*. Amerika Syarikat: Mc. Fraw-Hill Inc.
- Freud, S.F. (1953). Circle of Friends: The Role of Gender and Networks in Delinquent Group Dynamic. Paper Presented at Annual Meeting of The American Society of Criminology, Chicago, IL.
- Goleman, D. (1995). *Emotional Intelligence: Why it Can Matter More Than IQ*. New York: Bantam Book.

Gpeda, B.J. (1988). *A General Theory of Crime*. Stanford CA: Stanford University Press.

Ibn Manzur, Abi al-Fadl Jamal al-Din Muhammad ibn Mukram ibn Manzur al-Afriqi al-Misri (1968). *Lisan al-Arab*. Jil: 12. Beirut: Dar Sadir Wa Dar Beirut m.s 293.

Kamus Dewan.(2002). Ed.4. Kuala Lumpur: Dewan Bahasa dan Pustaka.

Lufi Sharifuddin. 19 September 2007. *Transformasi Diri*.
<http://luthfikir.blogspot.my/2007/09/tranformasi-diri.html>

Mahmood Nazar Mohamed. (2001). *Pengantar Psikologi: Satu Pengenalan Asas Kepada Jiwa dan Tingkah Laku Manusia*. Kuala Lumpur: Dewan Bahasa dan Pustaka.

Marlon P.Guleng. (2014). *Penyesuaian Diri MUallaf Terhadap Masyarakat Dalam Kalangan Pelajar Institut Dakwah Islamiah Perkim (IDIP)*. Tesis Sarjana Jabatan Jabatan Dakwah dan Kepimpinan, Universiti Kebangsaan Malaysia

Mazlina Ismail. 18 Ogos 2015. Selasa. Berita Harian. *Transformasi Diri Ke Arah Kehidupan Lebih Baik*.

Mohd. Majid Konting. (1990). *Kaedah penyelidikan pendidikan*. Kuala Lumpur: Dewan Bahasa dan Pustaka

Nur Aur A'thiroh Masyaa'il Tan <http://athirohtan.blogspot.com/2007/11/cabaran-psikologimasyarakat-muslim.html>

Nuraisyah Chua Abdullah. (2006). *Kisah Saya: Saudara baru*. PTS Publications & Distributors. Sdn. Bhd.

Salasiah Hanin Hamjah. (2011). Perubahan emosi dan tingkah laku Saudara Kita selepas memeluk Islam. Dlm. *Isu-Isu Pengurusan Saudara Muslim*. Razaleigh Muhamat @ Kawangit. Hlm. 69-86. Bangi: Jabatan Pengajian Dakwah dan Kepimpinan, Fakulti Pengajian Islam UKM

Statistik Saudara Kita Unit Ukhudah, Bahagian Dakwah Jabatan Agama Islam Johor. 2014